

SHWBIZ KLIP

BON DIA



Roadmarch Jr ta hala kita pa diamars 27 januari

Shonnan e aña'ki a habri cu sorpresa y loke ningun hende a spera ta cu esaki lo a cambia di luga. Ayera sigur loke tabata topico ta na momento cu a señala cu areglista / musico Federico Martis no por a cumpli cu e comision organisador. Aki nan a haya na mes mal pega cu mayoria di e muchanan cu tin letra y melodia, pero no tin areglo.

Esaki a pone tur cos tuma otro rumbo no solo p'e muchanan, pero p'e banda cu ta compañan cu e aña'ki ta Orquesta Search esaki a pone nan perde bruhula un rato ya cu nan a haya nan mes ta hinca den otro un plan di emergencia pa no descepciona e muchanan pa via di algun persona.

A cuminsa nan cambia e fecha pa diamars 27 januari y no diasabra awo pasobra ta imposibel pa caba tur e areglonan di e muchanan aki. Esnan cu a entrega nan papelnan di areglo lo cuminsa ensaya inmediatamente sigui pa esnan cu asina nan haya nan papelnan lo bay train cu e banda completo. Cu e aña'ki e festival lo ta diferente, sigur cu si...pasobra un banda completamente 'live' semper tin su peso sigur. A busca di sa kico por a pasa cu Federico Martis, pero esaki a resulta invano pa basta medio di comunicacion, pero di otro banda Federico semper tabata un persona cu a cumpli cu su palabra.

Pero tin algo a pasa cu ta keda un misterio y esaki ta doño di curpa so sa kico a pasa, pero loke ta conta ta cu e comision y Search a yega na un plan di emergencia.

SAC a emití un comunicado cu ta bisa lo siguiente: SAC pa medio di e comunicado aki kier a informa e pueblo Carnavalesco y Aruba general cu e Calypso y Roadmarch Contest Infantil/Hubenil a wordo posponi di 17 di Januari 2009 pa dia 27 di Januari 2009 p'asina e muchanan haya mas tempo pa nan "ensaya". E actividad aki ta tuma luga na Aruba Entertainment Center "E cas di Carnaval" pa 6:00 atardi, SAC ta pidi henter pueblo di Aruba pa reserva e fecha 27 Januari 2009 y ta conta cu e pueblo carnalesco sin falta pa bin apoya e muchanan.

Pa loke ta e participantenan hubenil ya caba tin inscribi Jordan Hilario, Jonathan "Biggy Boy" Thiel, Mitchell "Mitch" Tromp, Charella Lopes, Chantal "Chanty" Quant, Natasha de Windt y Jeanchris Jair "Buddy" Vesprey. Den e categoria infantil tin Robert Maduro Jr., Jovanca Martis, Franksjen Vos Dion, Keano Leonora, Fakir Boekhoudt, Jake Fernandez Orfao, Brandon "Nenon" Riley, Ittalee Brown, Alasca Brown, Kiziah Trimon, Celiandra Jacobs, Joscar de Kort y Kyra Hoevertsz.

